



Broj: 10/E-11-5461/24
Sarajevo, 25.09.2024.godine

Na osnovu člana 69. stav (2) tačka d) i člana 70. stav (1), (4) i (6) („Službeni glasnik BiH“, broj 39/14, 59/22 i 50/24), člana 69. Statuta Općine Centar Sarajevo - Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova I, imenovana rješenjem broj: 10-45-236/24 od 25.03.2024.godine (u daljem tekstu: Komisija I), u postupku Nabavka šatora sa pratećom opremom Crvenom krstu Općine Centar, putem konkurentskog zahtjeva za dostavu ponuda, uz primjenu e-aukcije (Zapisnik o pregledu i ocjeni ponuda broj: 10/E-11-5461/24 od 25.09.2024. godine), Opštinski načelnik donosi

O D L U K U

o poništenju postupka javne nabavke

I Poništava se postupak javne nabavke šatora sa pratećom opremom Crvenom krstu Općine Centar, putem konkurentskog zahtjeva za dostavu ponuda, uz primjenu e-aukcije, Obavještenje o nabavci broj: 848-7-1-103-3-163/24 od 11.09.2024. godine iz razloga što nijedna primljena ponuda nije prihvatljiva.

II Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.

III Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke šatora sa pratećom opremom Crvenom krstu Općine Centar, pokrenut je Odlukom Opštinskog načelnika o pokretanju postupka broj: 10/E-11-4902/24 od 26.08.2024. godine, putem konkurentskog zahtjeva za dostavu ponuda, uz primjenu e-aukcije. Obavještenje o nabavci broj: 848-7-1-103-3-163/24 od 11.09.2024. godine objavljen na Portalu javnih nabavki. Procijenjena vrijednost javne nabavke iznosi 17.094,00 KM bez PDV-a.

U roku za predaju ponuda koji je određenom tenderskom dokumentacijom - 24.09.2024. godine do 10:00 sati, na adresu ugovornog organa dostavljene su 2 (dvije) blagovremene ponude ponuđača:

1. "FIRE TRADE" d.o.o. Srebrenik
2. "AQUABALKAN" d.o.o. Konjic

U skladu sa članom 63. Zakona o javnim nabavkama (u daljem tekstu: Zakon), Komisija I je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitane su cijene ponuda, kako slijedi:

RB	PONUĐAČ	Ukupno bez PDV-a	Popust	Ukupno sa popustom i PDV-om
1.	"FIRE TRADE" d.o.o. Srebrenik	16.995,00	-	19.884,15
2.	"AQUABALKAN" d.o.o. Konjic	17.069,05	-	19.970,79

Nakon izvršenog javnog otvaranja ponuda, na zatvorenom sastanku Komisija I, je pristupila detaljnom pregledu i analizi dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacije ponuđača; ocjene tehničke prihvatljivosti ponuda, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Komisija I je nakon detaljne analize prispjelih ponuda, konstatovala sljedeće:

Ponuda ponuđača „FIRE TRADE“ d.o.o. Sarajevo je neprihvatljiva, te se ista isključuje iz daljeg postupka evaluacije.

Naime, u ponudi ponuđača „FIRE TRADE“ d.o.o. Sarajevo, uočena su odstupanja sa traženim dimenzijama u tenderskoj dokumentaciji, kako slijedi:

strana 6/42, rb 2 - Višenamjenski krevet- tražene dimenzije max 189x64x42 cm, a ponuđeno 190x64x42 cm

strana 8/42 i 9/42 rb 9 - digitalni dvokanalni mikrofoni- tražene dimenzije max 44x44x19 mm(svaka), a ponuđeno 44x45,5x18,3 mm (svaka)

te se ponuda ponuđača „FIRE TRADE“ d.o.o. Sarajevo isključuje u skladu sa odredbom člana 68. stav (1) Zakona o javnim nabavkama.

Ponuda ponuđača „AQUABALKAN“ d.o.o. Konjic je neprihvatljiva, te se ista isključuje iz daljeg postupka evaluacije.

Naime, u ponudi ponuđača „AQUABALKAN“ d.o.o. Konjic, uočena su odstupanja sa traženim dimenzijama u tenderskoj dokumentaciji, kako slijedi:

strana 5, rb. 4 - LED solarna lampa/solarni fenjer - snaga lampe 0,42 W, a ponuđeno 1,5WH

strana 6, rb. 9 - digitalni dvokanalni mikrofoni- tražene dimenzije max 44x44x19 mm(svaka), a ponuđeno 44x45,5x18,3 mm (svaka)

te se ponuda ponuđača „AQUABALKAN“ d.o.o. Konjic isključuje u skladu sa odredbom člana 68. stav (4) tačka i) Zakona o javnim nabavkama.

Na osnovu gore navedenog, ponuda je dokument koji priprema i podnosi ponuđač u postupku javne nabavke, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji. Prihvatljivom ponudom se smatra ponuda koja u potpunosti ispunjava uslove koje je u tenderskoj dokumentaciji postavio ugovorni organ, kako u pogledu dokazivanja kvalifikovanosti, tako i u pogledu ispunjavanja zahtjeva iz tehničkih specifikacija, kao sastavnog dijela tenderske dokumentacije. Da bi ponuda bila prihvatljiva mora ispunjavati sve zahtjeve definisane tenderskom dokumentacijom.

Članom 68. stav (4) tačka i) Zakona o javnim nabavkama propisano je da je ugovorni organ dužan odbaciti zahtjev za učešće ili ponudu u slučaju da ponuda nije potpuna i ne ispunjava zahtjeve iz tenderske dokumentacije, a članom 69. stav (2) tačka d) istog Zakona je propisano da je ugovorni organ obavezan da poništi postupak javne nabavke u slučaju da nijedna od primljenih ponuda nije prihvatljiva.

S tim u vezi Komisija I je dala prijedlog Općinskom načelniku da u skladu sa članom 69. stav (2) tačka d) Zakona o javnim nabavkama donese odluku o poništenju postupka javne nabavke, iz razloga što dostavljene ponude nisu prihvatljive.

Opštinski načelnik je saglasan sa preporukom Komisije I koja je u postupku pregleda i ocjene ponude postupala u skladu sa Zakonom o javnim nabavkama, podzakonskim propisima i tenderskom dokumentacijom za predmetu nabavku.


Iz navedenih razloga, primjenom člana 69. stav (2) tačka d) Zakona o javnim nabavkama („Službeni glasnik BiH”, broj 39/14, 59/22 i 50/24), odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem ugovornog organa, najkasnije u roku od 5 (pet) dana od dana prijema ove Odluke shodno članu 101. stav (5) tačka c) Zakona. Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona. Žalba se podnosi u dovoljnom broju primjeraka, a koji ne može biti manji od tri.

Dokaz o plaćenju naknadi za pokretanje žalbenog postupka u iznosu propisanim članom 108. ovog zakona, na osnovu kojeg se može nesumnjivo utvrditi da je transakcija izvršena, obavezno se dostavlja ugovornom organu u roku za izjavljivanje žalbe.

Prilog: Zapisnik o pregledu i ocjeni ponuda
broj: 10/E-11-5461/24 od 25.09.2024. godine



Dostaviti:

1. „FIRE TRADE“ d.o.o.Sarajevo, ulica Meše Selimovića broj 10,71000 Sarajevo
2. „AQUABALKAN“ d.o.o Konjic, Kanjina do broja 1, 88400 Konjic
3. Kabinetu općinskog načelnika - Odsjeku za javne nabavke
4. Službi za civilnu zaštitu
5. U spis

